

Sarajevo, 14-10-2022

Broj: 58-04-4-44853

Na osnovu člana 70. Zakona o javnim nabavkama („Službeni glasnik BiH“, broj 39/14), člana 48. Statuta KCUS-a (Sl.novine FBiH br. 73/13), člana 21. Pravilnika o javnim nabavkama Kliničkog centra Univerziteta u Sarajevu (br.0202-14544/17), po Rješenju URŽ-a br. JN2-01-07-1-1993-7/22 (KCUS broj: 58-11-3-37433 od 26.08.2022. godine), a na prijedlog Komisije za javnu nabavku izmjena i dopuna Izvještaja br. 58-33-4-44665-1 od 13.10.2022. godine, Generalna direktorica donosi:

### ODLUKU

o izboru najpovoljnijeg ponuđača za nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a

### I

**Prihvata se prijedlog Komisije za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“, po izmjeni i dopuni Izvještaja br. 58-33-4-44665-1 od 13.10.2022. godine, a nakon provedenog otvorenog postupka sa međunarodnom objavom na portalu e-nabavke dana 30.12.2021.godine pod brojem 893-1-1-912-3-712/21, sa ispravkama obavještenja i ugovor dodjeljuje najpovoljnijem ponuđaču:**

#### MEDICOM d.o.o. Bijeljina

Nabavka digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a

		NAZIV PONUĐAČA
		MEDICOM d.o.o. Bijeljina
1.	DIGITALNI ANGIOGRAFSKI SISTEM ZA INTERVENTNE KARDIOLOSKE PROCEDURE SA 3D DIGITALNOM SUPTRAKCIJSKOM ANGIOGRAFIJOM	AZURION 7 M20 722224 PHILIPS MEDICAL SYSTEM NEDERLAND B.V. <b>1.470.000,00 KM</b>
2.	INJEKTOR KONTRASTNOG SREDSTVA	MEDRAD AVANTA <b>80.000,00 KM</b>

**Ukupna vrijednost nabavke: 1.550.000,00 KM + PDV 263.500,00 KM = 1.813.500,00 KM sa PDV-om**

- Ponudena cijena je nepromjenjiva, izražena u KM i podrazumjeva radove/adaptaciju tj. prilagođavanje prostora zahtijevanim uslovima za rad sa predmetnom opremom, isporuku, montažu i puštanje u rad nove opreme, te edukaciju uposlenika ugovornog organa.
- Uslovi plaćanja: u roku 30 dana od dana okončanja radova/adaptacije/prilagođavanja postojećeg prostora zahtijevanim uslovima za rad sa predmetnom opremom, te isporuke, montaže, puštanja u rad opreme i edukaciju osoblja (u skladu sa uslovima definisanim tenderskom dokumentacijom i odabranom ponudom), te nakon potpisivanja zapisnika/protokola o primopredaji opreme i ispostavljanja fakture.
- Garantni rok na isporučenu robu je 18 mjeseci i teče od dana potpisivanja zapisnika/protokola o primopredaji.
- Rok za demontažu stare/postojeće opreme, isporuka, montaža, potpuna integracija i puštanje u rad nove opreme, te edukacija uposlenika za rad na istom, će se izvršiti u roku 90 dana, po potpisivanju ugovora i izdavanja narudžbenice

*[Handwritten signatures]*

## II

Izabrani ponuđač MEDICOM d.o.o. Bijeljina, ul. Sava Šumanovića br.89, 76300 Bijeljina, dostavio je dokaze kojima se potvrđuje vjerodostojnost izjave o ispunjavanju uslova iz člana 45. Zakona o javnim nabavkama („Službeni glasnik BiH“, broj 39/14), i nije u obavezi ponovnog dostavljanja istih.

## III

Odluka o poništenju postupka nabavke br. 58-04-4-29659 od 04.07.2022. godine se stavlja van snage.

## IV

Ova Odluka stupa na snagu danom donošenja i bit će objavljena na web stranici KCUS-a, kao i dostavljena ponuđačima učesnicima u postupku javne nabavke.

## OBRAZLOŽENJE

U skladu sa Odlukom Generalne direktorice KCUS-a broj: 58-04-4-43930-1 od 18.11.2021. godine, pokrenut je postupak javne nabavke za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“. Procijenjena vrijednost nabavke je 2.000.000,00 KM bez PDV-a. Nabavka je planirana Planom javnih nabavki za 2021. god. pod kategorijom „investicije - robe“ redni br. 45 (Odluka o izmjenama i dopunama Plana javnih nabavki Kliničkog centra Univerziteta u Sarajevu za 2021 godinu, broj: 38/21 br. protokola 65-04-2-50979/21). Sredstva za nabavku su obezbjeđena u Budžetu Federacije BiH vezano za ugovor o dodjeli sredstava "Tekući transfer drugim nivoima vlasti- transfer za sanaciju zdravstvenih ustanova u Federaciji BiH" br.06-11-2900-3/21 potpisan između FMZ i KCUS-a. Uslovi plaćanja predviđeni za postupak nabavke su plaćanje u roku 30 dana od dana isporuke i ispostavljanja fakture (na osnovu dopisa Sektora za računovodstvo, plan i analizu br. 56-11-3-53317 od 15.11.2021.godine).

Klinički centar Univerziteta u Sarajevu je na portalu e-nabavke 30.12.2021.godine objavio Obavještenje o nabavci broj: 893-1-1-912-3-712/21, kao i ispravke za obavještenje br. 893-1-1-912-8-62/22 od 07.02.2022.godine; br.893-1-1-912-8-103/22 od 18.02.2022.godine, 893-1-1-912-8-124/22 od 02.03.2022.godine i 893-1-1-912-8-156/22 od 18.03.2022.godine, zajedno sa Tenderskom dokumentacijom.

Na osnovu poziva objavljenog na portalu e-nabavke tendersku dokumentaciju za postupak javne nabavke preuzelo je 18 (osamnaest) potencijalnih ponuđača; Izmjenu i dopunu tenderske od 07.02.2022.godine preuzelo je 13 (trinaest) potencijalnih ponuđača; Izmjenu i dopunu od 18.02.2022.godine preuzelo je 11 (jedanaest) potencijalnih ponuđača; Izmjenu i dopunu od 02.03.2022.godine preuzelo je 8 (osam) potencijalnih ponuđača; Izmjenu i dopunu od 03.03.2022.godine preuzelo je 8 (osam) potencijalnih ponuđača i Izmjenu i dopunu od 18.03.2022.godine preuzelo je 7 (sedam) potencijalnih ponuđača, a do krajnjeg roka određenog za prijem ponuda, dana 06.04.2022. godine do 10 h i 30 minuta, dostavljene su 3 (tri) ponude ponuđača:

PODACI IZ PONUDE	1.	2.	3.
Naziv ponuđača	<b>SIEMENS MEDICINA d.o.o. Sarajevo</b>	<b>BERG d.o.o. Sarajevo</b>	<b>MEDICOM d.o.o. Bijeljina</b>
Broj i datum ponude	10-11-3-15961 05.04.2022. godine u 14 h i 00 min	10-11-3-16058 06.04.2022. godine u 08 h i 23 min	10-11-3-16099 06.04.2022. godine u 10 h i 04 min
Cijena ponude bez PDV-a:	<b>1.999.998,00 KM</b>	<b>1.999.998,00 KM</b>	<b>1.550.000,00 KM</b>

Komisija je provela postupak javne nabavke te predložila da se isti poništi obzirom da je sve pristigle ponude ocijenila kao neprihvatljive. Ugovorni organ je donio odluku o poništenju postupka javne nabavke br: 58-04-4-29659 od 04.07.2022.godine, na koju je ponuđač MEDICOM d.o.o. Bijeljina izjavio žalbu br: 10-11-3-30815 od 12.07.2022. godine koju je Ugovorni organ izjašnjenjem br: 58-11-3-31569 od 15.07.2022. godine prosljedio Uredu za razmatranje žalbi BiH (URŽ) kao neosnovanu.

Rješenjem broj: JN2-01-07-1-1993-7/22 (KCUS broj:58-11-3-37433 od 26.08.2022. godine), Ured za razmatranje žalbi BiH je usvojio žalbu ponuđača MEDICOM d.o.o. Bijeljina kojim je poništio Odluku o poništenju postupka javne nabavke br: 58-04-4-29659 od 04.07.2022. godine za nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a " i predmet vratio ugovornom organu na ponovni postupak. Na strani 6 predmetnog rješenja URŽ-a, navedeno je da "u ponovnom postupku, ugovorni organ je dužan izvršiti ponovnu ocjenu ponude žalioca (MEDICOM d.o.o. Bijeljina) u vezi sa spornim pitanjem koje je predmetom ove žalbe, uvažavajući stavove ovog organa, te donijeti pravilnu i zakonitu odluku u skladu sa ZJN."

Komisija za javnu nabavku imenovana Odlukom broj: 01-04-4-15655 od 04.04.2022.godine predhodno je sačinila Zapisnik o pregledu i ocjeni ponuda br. 10-11-3-25708 od 04.07.2022. godine konstatovala sljedeće :

**1. Ponuđač SIEMENS MEDICINA d.o.o. Sarajevo dostavio je ponudu za ARTIS Zee floor, SIEMENS**

Analizom dostavljene ponude ponuđača SIEMENS MEDICINA d.o.o. Sarajevo komisija je konstatovala da ista nije prihvatljiva, jer nije dostavljena u skladu sa tenderskom dokumentacijom.

- Tenderskom dokumentacijom tačkom 3.1. pod i) definisano je da su ponuđači dužni dostaviti:

„Potvrda o upisu medicinskog sredstva u registar medicinskih sredstava BiH izdato od Agencije za lijekove i medicinska sredstva BiH ili Izjava ponuđača da će ukoliko njegova ponuda bude odabrana kao najpovoljnija, u roku od 4 mjeseca (rok važnosti bankarske garancije za uredno izvršenje ugovora) od dana zaključivanja/obostranog potpisivanja ugovora, dostaviti „Potvrdu o upisu medicinskog sredstva u registar medicinskih sredstava BiH“ Obzirom da je predmetna nabavka u ANKES-u 2 podjeljena na 2 stavke ponuđači su bili dužni dostaviti za obje stavke **Potvrdu o upisu medicinskog sredstva u registar medicinskih sredstava BiH.**

Uvidom u ponudu ponuđača SIEMENS MEDICINA d.o.o. Sarajevo ista je dostavljena samo za satavku 1 Aneks-a 2, što nije u skladu da zahtjevima tenderske dokumentacije (Tačkom 3.1. u dijelu napomene stoji **Nepriklaganje bilo kojeg dokaza i/ili izjave diskvalifikuju ponuđača.**)

- Tenderskom dokumentacijom tačkom 3.1. pod l) definisano je da su ponuđači dužni dostaviti:

„**Pojedinačni certifikat/i serviser(a) (najmanje jedan) kojim ponuđač raspolaže, a kojim se dokazuje da su serviser/i osposobljen/i za održavanje ponuđene opreme, kao i dokaz da su ponuđač i serviser/i u poslovnom odnosu (Ugovor o radu ili Ugovor o angažovanju ili Izjavu i sl.)**“. Obzirom da je predmetna nabavka u ANKES-u 2 podjeljena na 2 stavke ponuđači su bili dužni dostaviti najmanje jednog serviser(a) za svaku ponuđenu stavku ANEKS-a 2.

Uvidom u ponudu ponuđača SIEMENS MEDICINA d.o.o. Sarajevo na stranicama od 40 do 47 dostavljeni su certifikati serviser(a) za stavku 1 Aneks-a 2, a za stavku 2 isti nisu dostavljeni, što nije u skladu da zahtjevima tenderske dokumentacije (Tačkom 3.1. u dijelu napomene stoji **Nepriklaganje bilo kojeg dokaza i/ili izjave diskvalifikuju ponuđača.**)

**Iz gore navedenih razloga, u skladu sa članom 68. stav (4) tačka i) Zakona o javnim nabavkama, ponuda ponuđača SIEMENS MEDICINA d.o.o. Sarajevo se odbacuje i ne učestvuje u daljem toku postupka javne nabavke.**

**2. Ponuđač BERG d.o.o. Sarajevo dostavio je ponudu za ALPHENIX CORE+ INFX-8000 V/Z3 proizvođača Canon Medical Systems Europe B.V.**

- **Detaljnou analizou dostavljene ponude ponuđača BERG d.o.o. Sarajevo komisija je konstatovala da ista nije prihvatljiva.** Pregledom ponude i provjere računске ispravnosti ponude u skladu sa članom 17. Uputstva za pripremu modela tenderske dokumentacije i ponuda („Službeni glasnik BiH”, br. 90/14 i 20/15) i tenderskom dokumentacijom tačka 6.6. „Ispravke grešaka i propusta“, komisija je dana 30.05.2022. godine uputila dopis br. 10-33-4-16160-3/22 (u prilogu Izvještaja) ponuđaču BERG d.o.o. Sarajevo sa zahtjevom za saglasnost i potvrdu korigovanja ukupne cijene ponude. Ponuđač je u ostavljenom roku dana 31.05.2022. godine (u prilogu Izvještaja) dostavio Izjavu o korigovanoj cijeni **kojom ne prihvata korigovanje ukupne cijene ponude već mijenja jediničnu cijenu za stavku 1., a ukupnu cijenu ponude ostavlja kao u dostavljenoj ponudi, što nije u skladu sa članom 17. Uputstva za pripremu modela tenderske dokumentacije i ponuda**

(„Službeni glasnik BiH”, br. 90/14 i 20/15) i tenderskom dokumentacijom ANEKS 2. U napomeni ANEKS-a 2 je navedeno u tačkama „3. U slučaju razlike između jediničnih cijena i ukupnog iznosa, ispravka će se izvršiti u skladu sa jediničnim cijenama. i 4. Jedinična cijena se ne smatra računskom greškom, odnosno ne može se ispravljati.“ Nakon Izjave o korigovanoj cijeni, ponuđač BERG d.o.o. Sarajevo istog dana dostavlja i dodatno pojašnjenje Izjave o korigovanoj cijeni (u prilogu Izvještaja) u kojem jasno naglašavaju da mijenjaju jediničnu cijenu stavke 1 Aneks-a 2, a da ukupna cijena dostavljene ponude ostaje nepromijenjena.

**Iz gore navedenih razloga, u skladu sa članom 68. stav (4) tačka g) Zakona o javnim nabavkama, ponuda ponuđača BERG d.o.o. Sarajevo se odbacuje i ne učestvuje u daljem toku postupka javne nabavke.**

Uzimajući u obzir Rješenje Ureda za razmatranje žalbi BiH, Komisija je izvršila ponovnu ocjenu - evaluaciju ponude žalioca (MEDICOM d.o.o. Bijeljina) pri čemu nije izvršena ponovna ocjena - evaluacija ponuda ponuđača Siemens Medicina d.o.o. i Berg d.o.o., koje su prethodnim izvještajem ocjenjene kao neprihvatljive, jer po Rješenju URŽ-a, iste nije trebalo ponovno ocjenjivati.

**Izmjenom i dopunom Zapisnika o pregledu i ocjeni ponuda br. 58-133-4-44665 od 13.10.2022. godine, a uvažavajući stavove URŽ-a Komisija je konstatovala slijedeće :**

**1. Ponuđač MEDICOM d.o.o. Bijeljina dostavio je ponudu za AZURION 7 M20 722224 PHILIPS MEDICAL SYSTEM NEDERLAND B.V.**

- **Analizom dostavljene ponude ponuđača MEDICOM d.o.o. Bijeljina, komisija je konstatovala da ista ispunjava formalno pravne, tehničke i suštinske zahtjeve gdje je dostavljena ponuda ocijenjena kao prihvatljiva, pa može biti predmet vrednovanja i može učestvovati u daljem toku postupka javne nabavke.**

Za ovaj postupak javne nabavke planirano je provođenje e-aukcije ali u skladu sa Pravilnikom o uslovima i načinu korištenja e-aukcije, član 3. Stav 3) u kojem je regulisano kako se e-aukcija ne može provesti u slučaju prijema jedne prihvatljive ponude, te se **postupak okončava u skladu sa članom 69. stav 1 pod a) ZJN.**

Imajući u vidu navedeno, Komisija je izmjenom i dopunom Izvještaja br. 58-33-4-44665-1 od 13.10.2022. godine dala prijedlog, da se donese odluka o izboru najpovoljnijeg ponuđača i **ugovor za „Nabavku digitalnog RTG angiografskog uređaja sa pratećim sistemima za potrebe Klinike za bolesti srca, krvnih žila i reumatizam KCUS-a“ dodijeli ponuđaču MEDICOM d.o.o. Bijeljina.**

Uzimajući u obzir naprijed navedno, prijedlog Komisije je prihvaćen i donosi se odluka kao u dispozitivu.



**GENERALNA DIREKTORICA**

**Prof.dr Sebija Izetbegović**

**POUKA O PRAVNOM LIJEKU:** Protiv ove Odluke može se izjaviti žalba najkasnije u roku od 10 (deset) dana od dana prijema Odluke. Žalba se izjavljuje Uredu za razmatranje žalbi BiH putem ugovornog organa u pisanoj formi i u dovoljnom broju primjeraka, a koji ne može biti manji od tri.

Dostaviti:

- Ponuđačima;
- Tehnički sektor
- a/a KCUS

*Handwritten signatures and initials in blue ink at the bottom left of the page.*